

ԱՐՁԱՆԱԳՐՈՒԹՅՈՒՆ N 15

«ՀԱՅԱՍՏԱՆԻ ՖՈՒՏԲՈՒԼԻ ՖԵԴԵՐԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ  
ԿԱՐԳԱՊԱՀԱԿԱՆ ԵՎ ԷԹԻԿԱՅԻ ԿՈՄԻՏԵԻ 2023 ԹՎԱԿԱՆԻ ՄԱՅԻՍԻ 18-Ի  
ԿԱՅԱՑԱԾ ՆԻՍՏԻ

**ք. Երևան**

«Հայաստանի ֆուտբոլի ֆեդերացիա» հասարակական կազմակերպության (այսուհետ՝ ՀՖՖ) Կարգապահական և էթիկայի կոմիտեի (այսուհետ՝ Կոմիտե) նիստը (այսուհետ՝ Նիստ) կայացավ 2023թ. մայիսի 18-ին, ՀՀ, ք. Երևան, Խանջյան 27 հասցեում:

Նիստին մասնակցում էին՝

Կոմիտեի անդամներ

Կարեն Հովհաննիսյան	Կոմիտեի նախագահ
Ռուբեն Սինոյան	Կոմիտեի փոխնախագահ
Արման Ալաբերդյան	Կոմիտեի անդամ
Բաբկեն Ղալոյան	Կոմիտեի անդամ
Տիգրան Իսրայելյան	Կոմիտեի անդամ

Կոմիտեի նիստին մասնակցում են Կոմիտեի անդամներից 5-ը, հետևաբար, ՀՖՖ Կարգապահական և էթիկայի կանոնակարգի (այսուհետ՝ Կանոնակարգ) 7-րդ հոդվածի 7.01 կետի համաձայն՝ Կոմիտեն իրավագոր է:

Նիստն արձանագրում է Կոմիտեի քարտուղար Հ. Ռշտունին:

Կոմիտեի նախագահը ներկայացրեց Կոմիտեի նիստի օրակարգում ընդգրկված՝ ներքոնշյալ հարցերը:

Կոմիտեն, ղեկավարվելով ՀՖՖ Կանոնակարգի 3-րդ հոդվածով, 4-րդ հոդվածով, 5-րդ հոդվածով, 20-րդ հոդվածով, 21-րդ հոդվածով, 28-րդ հոդվածով և Կանոնակարգի այլ վերաբերելի հոդվածներով՝ օրակարգում ներառված հարցերի վերաբերյալ կայացրեց հետևյալ որոշումները.

1. 13.05.2023թ.-ի «Շիրակ»-«Ուրարտու» (ԳԽ-013) խաղի ժամանակահատվածում  
1) «Շիրակ» թիմի ադմինիստրատոր Սուրեն Սիմոնյանի կողմից մրցավարների հասցեին վիրավորական արտահայտություններ, հայեղանքներ հնչեցնելը, մրցակից ակումբի ղեկավարության հասցեին վիրավորական արտահայտություններ, հայեղանքներ հնչեցնելը, 2) «Շիրակ» թիմի գլխավոր մարզիչ Էդգար Թորոսյանի

կողմից մրցավարների հասցեին վիրավորական արտահայտություններ, հայեոյանքներ հնչեցնելը, մրցակից ակումբի ղեկավարության հասցեին վիրավորական արտահայտություններ, հայեոյանքներ հնչեցնելը, 3)Խաղից անմիջապես հետո կազմակերպված մամուլի ասուլիսին «Շիրակ» թիմի գլխավոր մարզչի անհարգելի պատճառով չմասնակցելը, «Շիրակ» թիմի՝ պարզևատրման արարողությանը չմասնակցելը, 4) «Շիրակ» թիմի երկրպագուների կողմից ծխային ռումբերի և բենզալյան կրակների պայթեցնելը, խաղադաշտ իրեր նետելը, 5) «Ուրարտու» թիմի երկրպագուների կողմից խաղի ժամանակահատվածում բազմաթիվ ձայնային և ծխային ռումբերի, ֆայերների պայթեցնելը, հրավառություններ անելը

---

***Կոմիտեն քննարկումների արդյունքում որոշեց՝***

1. Հաստատված համարել «Շիրակ» թիմի ադմինիստրատոր Սուրեն Մինոնյանի կողմից կարգապահական խախտում թույլ տալը, հիմք ընդունելով Կանոնակարգի 39-րդ հոդվածը և Կանոնակարգի 28-րդ հոդվածի 3-րդ կետի հիման վրա՝ համակցելով Կանոնակարգի 40-րդ հոդվածի 37-րդ կետը և Կանոնակարգի 41-րդ հոդվածի 17-րդ կետը, ինչպես նաև հաշվի առնելով նշված անձի կողմից ընթացիկ մրցաշրջանում նշված կարգապահական խախտման կրկնակիությունը՝ վերջինիս զրկել իր ծառայողական պարտականությունները կատարելուց մինչև 2023 թվականի նոյեմբերի 18-ը ներառյալ և «Շիրակ ՖԱ» ՀԿ-ին տուգանել նվազագույն աշխատավարձի չորսհարյուրապատիկի՝ 400,000 ՀՀ դրամի չափով:
2. Հաստատված համարել «Շիրակ» թիմի գլխավոր մարզիչ Էդգար Թորոսյանի կողմից կարգապահական խախտում թույլ տալը, հիմք ընդունելով Կանոնակարգի 39-րդ հոդվածը և Կանոնակարգի 28-րդ հոդվածի 3-րդ կետի հիման վրա՝ համակցելով Կանոնակարգի 40-րդ հոդվածի 37-րդ կետը և Կանոնակարգի 41-րդ հոդվածի 17-րդ կետը՝ վերջինիս զրկել իր ծառայողական պարտականությունները կատարելուց մինչև սույն թվականի հոկտեմբերի 18-ը ներառյալ և «Շիրակ ՖԱ» ՀԿ-ին տուգանել նվազագույն աշխատավարձի երեքհարյուրապատիկի՝ 300,000 ՀՀ դրամի չափով:
3. Հաստատված համարել «Շիրակ» թիմի կողմից կարգապահական խախտում թույլ տալը և Կանոնակարգի 28-րդ հոդվածի 3-րդ կետի հիման վրա՝ համակցելով Կանոնակարգի 40-րդ հոդվածի 53-րդ կետը և Կանոնակարգի 40-րդ հոդվածի 80-րդ կետը՝ «Շիրակ ՖԱ» ՀԿ-ին տուգանել նվազագույն աշխատավարձի երեքհարյուրապատիկի՝ 300,000 ՀՀ դրամի չափով:
4. Հաստատված համարել «Շիրակ» թիմի կողմից կարգապահական խախտում թույլ տալը և Կանոնակարգի 28-րդ հոդվածի 3-րդ կետի հիման վրա՝ համակցելով Կանոնակարգի 40-րդ հոդվածի 22-րդ կետը և Կանոնակարգի 40-րդ հոդվածի 24-րդ կետը՝ «Շիրակ ՖԱ» ՀԿ-ին տուգանել նվազագույն աշխատավարձի հիսունապատիկի՝ 50,000 ՀՀ դրամի չափով:

5. Հաստատված համարել «Ուրարտու» թիմի կողմից կարգապահական խախտում թույլ տալը և հիմք ընդունելով Կանոնակարգի 40-րդ հոդվածի 24-րդ կետը՝ «Ուրարտու ՖԱ» ՄՀԿ-ին տուգանել նվազագույն աշխատավարձի հինգհարյուրապատիկի՝ 500,000 ՀՀ դրամի չափով: